

ბალდათის მუნიციპალიტეტი, ა. (ა.) ი. ვ. ხელოვნებისა და ხალხურის განვითარების ცენტრი

ბალდათელი მრთმანეთისთვის

კარგა ხანია ერთმანეთს არ შეგხვედრივართ ძვირფასო მკითხველო, მარტიდან მოყოლებული იძულებითი უქმობა გამოგვივიდა და თუ რამ გვაიძულა სტამბის გზა დაგვევიწყებინა და ყოველ თვე გაზეთის ახალი ნომერი მოგვეწოდებინა თქვენთვის, ყველას კარგად მოგეხსენებათ.

„დარჩი სახლში“ – საქართველოს მთავრობის ეს მონოდედა ხშირად გვესმოდა ტელევიზიებიდან თუ სოციალური ქსელებიდან, სახლში დარჩენის აუცილებლობა კი ჩვენივე ჯანმრთელობის უსაფრთხოებისთვის იყო გამოწვეული – კორონავირუსი, რომელიც მთელ მსოფლიოს მოედო, თითოეული ჩვენთაგანის სიცოცხლეს დაემუქრა.



საქართველოს მთავრობის, ჩვენი ექიმების და მოსახლეობის ძალისხმევით, ჩვენი ქვეყანა ღირსეულად შეებრძოლა პანდემიას. მთავრობის მიერ დაწესებულ რეგულაციებს და რეკომენდაციებს ნაბიჯ-ნაბიჯ და შესაშური ძალისხმევით ასრულებდა ბალდათის მუნიციპალიტეტის ადგილობრივი თვითმმართველობა – მერიისა და საკრებულოს თანამშრომლების მიერ შექმნილი საგანგებო შტაბი.

განსაკუთრებულად საფრთხე ვირუსმა ხანდაზმულებს შეუქმნა, მარტოხელა, სოციალურად დაუცველ მოხუცებს. „დარჩი სახლში“ – ჩვენ მოვალე ვართ თქვენთან: მიანდინა ხმა 70-წელს გადაცილებულ მოხუცებს ახალგაზრდების ჯგუფმა. ყველაფერი კი ამ ექვსი სახელით დაიწყო – გურია კიკნაველიძე, თორნიკე გაჩეჩილაძე, ალექსანდრე ნიქორიძე, ზვიად პატარიძე, ალექსანდრე ლალიძე, ლევან ჩიბურდანიძე – რომლებმაც გადაწყვიტეს, რომ საკუთარი მეგობრების დახმარებით შეეძლოთ გარკვეული თანხის შეგროვება და 70 წელს გადაცილებულ, მარტოხელა, გაჭირვებული ადამიანების დახმარება. საამისოდ კი წამოიწყეს სოციალური კამპანია „ბალდათელი ერთმანეთისთვის“. ექვსეულს მალევე შეურთდნენ გიორგი ჯავახია, გიორგი გურგენიძე, მიხეილ მსხვილიძე, ვაკო კვინიხიძე, სოსო კოტორეიშვილი. ჯგუფმა დაიწყო სოციალური კამპანიის რეკლამირება ამ საშური საქმის მხარდასაჭერად, ცნობილ ბალდათელთა ვიდეო-მიმართვებს, პოპულარული და ყველასათვის საყვარელი მსახიობების, მწერლების, სპორტსმენების, მუსიკოსების მონოდედები მოჰყვა და ... შედეგიც მალევე დადგა.

შემოწინებული, საკმაოდ სოლიდური თანხის წყალობით და ახალგაზრდების მონდომებით, ბალდათში მაცხოვრებელ 550-მდე მოხუცსა და სოციალურ დაუცველ ოჯახს ეტაპობრივად დაურიგდეთ საკვები პროდუქტები და მედიკამენტები.

ახალგაზრდების ამ ინიციატივას ცხადია, მხარი დაუჭირა ბალდათის მუნიციპალიტეტის მერიამ და საკრებულომ. მერიამ თავის მხრივ 300 ბენეფიციარისთვის, პირველადი საჭიროების საკვები პროდუქტი შეიძინა.

ბალდათის მუნიციპალიტეტის მერიის სოციალური სამსახურსა და არასამთავრობო ორგანიზაცია „საქართველოს ქალები მშვიდობისა და სიცოცხლისათვის“ ერთობლივი ინიციატივით ბალდათის მუნიციპალიტეტში მცხოვრებ 13-შემ პირს ეტლები გადაეცა.

აღნიშნული არასამთავრობო ორგანიზაცია ბალდათის მუნიციპალიტეტის მერიის სოციალურ სამსახურთან რამდენიმე წელია აქტიურად თანამშრომლობს და მუნიციპალიტეტში მცხოვრებ შშმ პირებს, მათივე საჭიროებებიდან გამომდინარე, პერმანენტულად ეხმარება.

თურქეთის თანამშრომლობისა და კოორდინაციის სააგენტო (TIKA)-ს თბილისის საკოორდინაციო ოფისის წარმომადგენლებმა, ბალდათის მუნიციპალიტეტის მერიის სოციალური სამსახურის ხელმძღვანელთან ერთად მუნიციპალიტეტში მცხოვრებ 40 შეჭირვებულ ოჯახს, საკვები პროდუქტები და პირველადი მოხმარების ჰიგიენური საშუალებები გადასცეს.

საქართველოს წითელი ჯვრის საზოგადოების წარმომადგენლებმა ბალდათის მუნიციპალიტეტის თვითმმართველობის თანამშრომლებთან ერთად, ჩვენს მუნიციპალიტეტში მცხოვრებ 100 შეჭირვებულ ოჯახს საკვები პროდუქტები და პირველადი მოხმარების ჰიგიენური საშუალებები გადასცეს.

ბალდათის მუნიციპალიტეტში საგანგებო მდგომარეობის გამოცხადების შემდეგ დახმარება 1500-ზე მეტ ოჯახს გაენია, რომელთა ნაწილი საქველმოქმედო ფონდ „ბალდათელი ერთმანეთისთვის“ განხორციელდა.

კორონავირუსის პანდემიის გამო, სკოლამდელ დაწესებულებებში სააღმზრდელო პროცესი შეჩერებული იყო (დღემდე). ბალდათის მუნიციპალიტეტის საბავშვო ბაღებში 772 აღსაზრდელი ირიცხება. საკვები პროდუქტების შექმნა ადგილობრივი თვითმმართველობის წარმომადგენლებმა, კვების რაციონის გათვალისწინებით უზრუნველყო. ერთი სასურსათო პაკეტის ღირებულება 40 ლარს შეადგენდა. სურსათის გაცემა საზოგადოებრივი ჯანდაცვის რეკომენდაციების გათვალისწინებით მიმდინარეობდა.



სოსო კოტორეიშვილი

ინფრასტრუქტურული პროექტები

ბალდათის მუნიციპალიტეტში, მიუხედავად კორონავირუსის პანდემიისა, ინფრასტრუქტურული სამუშაოები არ შეჩერებულა. დეტალური ინფორმაციის მისაღებად „ჩემი გაზეთი“ მერიის ინფრასტრუქტურისა და სივრცითი მოწყობის სამსახურის უფროსს, კახა მსხვილიძეს ესაუბრა.

ბალდათის მუნიციპალიტეტში ბოლო რამდენიმე წელია ინფრასტრუქტურული სამუშაოები აქტიურად მიმდინარეობს, რამაც ამ მიმართულებით დაფინანსების ზრდა განაპირობა. 2020 წელს 2019 წელთან შედარებით ინფრასტრუქტურულ სამუშაოებზე რეგიონებში განსახორციელებელი პროექტების ფონდიდან (რგპ) მიღებული დაფინანსება 1 300 000 ლარით გაიზარდა.



მუნიციპალიტეტს სახელმწიფო დაფინანსების გარდა ინფრასტრუქტურული სამუშაოებისათვის ადგილობრივი ბიუჯეტიდანაც აქვს გამოყოფილი თანხა. საერთო ჯამში, მიმდინარე წელს დაფინანსების სხვადასხვა წყაროდან 6 000 000 ლარზე მეტი ღირებულების 75-მდე პროექტი განხორციელდება.

მიმდინარე წელს რეგიონებში განსახორციელებელი პროექტების ფონდიდან 5 328 705 ლარი გამოიყო და 14 პროექტი დაფინანსდა:

- სოფ. დიშის №2 საბავშვო ბაგა-ბაღის შენობის მშენებლობა;
- სოფ. წითელხევში მეფარიშვილების უბნიდან თეთრი ეკლესიისკენ მიმავალ საავტომობილო გზაზე რკ/ბეტონის საფარის მოწყობა;
- სოფლების – დიშისა (№2 საჯარო სკოლა) და პირველი ოზრის დამაკავშირებელ საავტომობილო გზაზე რკ/ბეტონის საფარის დაგება;
- სოფ. როხში ე. წ. შემოვლითი საავტომობილო გზის რკ/ბეტონის საფარით მოწყობა;
- სოფლების – ფერსათისა და შუბანის დამაკავშირებელ საავტომობილო გზაზე რკ/ბეტონის საფარის მოწყობა;

- სოფ. წითელხევის შემოვლითი გზაზე რკ/ბეტონის საფარის დაგება;
 - ქ. ბალდათში შანიძისა და ენდელაძის ქუჩების სავალ ნაწილზე, ასევე შ. რუსთაველის ქუჩის შესახვევებსა და ი. ჭავჭავაძის ქუჩის სავალ ნაწილზე რკ/ბეტონის საფარის მოწყობა.
- ქალაქ ბალდათში რეაბილიტაცია ჩაუტარდება შემდეგ ქუჩებს: ჯავახიშვილის, წმ. მარიაამის, ენდელაძის, შანიძის, ჭავჭავაძის, რუსთაველის, დადიანისა და აღმაშენებლის ქუჩებს. ზემოთ აღნიშნული პროექტებიდან ორი (ქ. ბალდათში აღმაშენებლის ქუჩის რეაბილიტაცია, სოფ. წითელხევის შემოვლითი გზაზე რკ/ბეტონის საფარის მოწყობა) გარდამავალია და მომავალ წელსაც გაგრძელდება.

მიმდინარე წელს განსახორციელებელი ინფრასტრუქტურული პროექტებიდან დასრულებულია ჯავახიშვილისა და ენდელაძის ქუჩებზე გზის სავალი ნაწილის რეაბილიტაცია.

სკოლებში მცირე სარეაბილიტაციო სამუშაოების განხორციელებისათვის წელს 343 289 ლარი გამოიყო. აღნიშნული თანხით ბალდათის მუნიციპალიტეტის 5 სკოლაში (სსიპ სოფ. დიშის №1 საჯარო სკოლა, სსიპ სოფ. ვარციხის საჯარო სკოლა, სსიპ სოფ. როხის საჯარო სკოლა, სსიპ სოფ. ხანის საჯარო სკოლა, სსიპ გიორგი გენაძის სახელობის პირველი ოზრის საჯარო სკოლა) მიმდინარეობს სველი წერტილების მონესრიგება, რაც გულისხმობს შენობაში არსებული ფართის რეაბილიტაციას, ხოლო, ფართის არარსებობის შემთხვევაში, მიშენებას. ახალი სტანდარტების შესაბამისად, სანიტარული კვანძები უნდა მოთავსდეს შენობის შიგნით. იგივე სამუშაოები სკოლის ბიუჯეტიდან გამოყოფილი თანხით განხორციელდება ოზრის, საკრაულისა და ზეგნის (№1 და №2) საჯარო სკოლებში.

სოფლის მხარდაჭერის პროგრამის ფარგლებში, სახელმწიფომ ბალდათის მუნიციპალიტეტს, გამოუყო 346 000 ლარი, ხოლო ადგილობრივი ბიუჯეტიდან დაემატა 70 250 ლარი. აღნიშნული თანხით მუნიციპალიტეტის ყველა სოფელში განხორციელდება 36 პროექტი. აქედან 34 პროექტზე თვითმმართველობის მიერ შექმნილია სამშენებლო მასალები, ხოლო სამუშაოები განხორციელდება მოსახლეობის ჩართულობით. პროექტები განისაზღვრა ადგილობრივების საჭიროებებიდან გამომდინარე, მათივე გადაწყვეტილებით, ესენია: შიდა საუბნო გზების მოხრეშვა, შიდა საუბნო გზებზე რკ/ბეტონის საფარის მოწყობა, მგზავრთა მოსაცდელის მშენებლობა/რეაბილიტაცია, სასმელი წყლის სისტემის მონესრიგება, სანიაღვრე გზებზე ცხაურების მოწყობა და სხვა.

მიმდინარე წელს ადგილობრივი ბიუჯეტით ხორციელდება კიდევ ორი პროექტი: სოფელ საკრაულაში, ადმინისტრაციულ შენობაში ამბულატორიის რეაბილიტაცია და ქალაქ ბალდათში, კოსტავას ქუჩა №2-ში მდებარე კორპუსის გარე ფასადის მოწყობა. პროექტების ჯამური ბიუჯეტი 165 964 ლარია.

საზოგადოებრივი ცენტრი 27 000-მდე მცხოვრებს მოემსახურება

საქართველოს ვიცე-პრემიერმა, იუსტიციის მინისტრმა თეა წულუკიანმა, ქალაქ ბაღდათში რიგით 82-ე საზოგადოებრივი ცენტრი გახსნა. ღონისძიებას ესწრებოდნენ: იმერეთში სახელმწიფო რწმუნებული ზვიად შალამბერიძე, ხარაგაულის და ბაღდათის მაჟორიტარი დეპუტატი კობა ლურსმანაშვილი, ბაღდათის მუნიციპალიტეტის მერი არჩილ გოგსაძე, იუსტიციის სახლის აღმასრულებელი დირექტორი სოსო გიორგაძე და სახელმწიფო სერვისების განვითარების სააგენტოს თავმჯდომარე ზურაბ სანიკიძე.



საზოგადოებრივი ცენტრები მომხმარებელს მრავალფეროვან სერვისს, გამარტივებულ პროცედურებს, საინფორმაციო ტექნოლოგიების ხელმისაწვდომობას და თანამედროვე ინფრასტრუქტურას სთავაზობენ.

ბაღდათის საზოგადოებრივი ცენტრი იმერეთის რეგიონში რიგით მეცხრამეტეა. ცენტრები ფუნქციონირებს სანიურში, ზედა საზანოში, გეგუთში, შორაპანში, ზეინდარში, მეორე სვირში, ღორეშაში, კიცხში, ხევში, კორბოულში, ხრეთში, დიდ ჯხიაში, უსახელოში, ტყიბულში, საჩხერეში, ხარაგაულში, ჭიათურასა და ვანში.



საზოგადოებრივი ცენტრი ბაღდათისა და მიმდებარე სოფლების — დიმის, ვარციხის, ზეგნის, პირველი და მეორე ოზნის, ნერგეთის, როკითის, როხის, საკრაულის, ფერსათის, ნითელხევის, ხანის და სხვათა — 27 000-მდე მცხოვრებს მოემსახურება. ცენტრის თანამედროვე სტანდარტების შესაბამისი შენობა, რომლის ინფრასტრუქტურა ადაპტირებულია შშმ პირებისთვის, კახიანის ქუჩაზე აშენდა.

საზოგადოებრივი ცენტრში ადგილობრივი მოსახლეობა შეძლებს,

კომფორტულ გარემოში სწრაფად, ადგილიდან გაუსვლელად ისარგებლოს სახელმწიფო და კერძო სექტორის 200-ზე მეტი მომსახურებით. მომხმარებელს ე.წ. ერთი ფანჯრის პრინციპით შეუძლია, აიღოს პასპორტი/პირადობის მოწმობა, განახორციელოს უძრავი ქონების რეგისტრაცია, მიიღოს საკადასტრო გეგმა თუ საარქივო მომსახურება და სხვ.

ბაღდათის საზოგადოებრივი ცენტრში გახსნის დღიდანვე ხელმისაწვდომია ტურიზმის ეროვნული ადმინისტრაციისა და სოფლისა და სოფლის მეურნეობის განვითარების სააგენტოს სერვისები. ეს მომსახურებები ხელმისაწვდომი იუსტიციის სახლებსა და საზოგადოებრივი ცენტრებში სამთავრობო პროგრამის — „სახელმწიფო — შენი პარტნიორი“ — ფარგლებში გახდა. პროგრამის მიზანი მენარმობისა და ფერმერული მეურნეობების განვითარების სტიმულირებაა. პროგრამის პრეზენტაცია საქართველოს პრემიერ-მინისტრმა 21 აგვისტოს ამბროლაურში გამართა.

ახალგაზრდულ საზოგადოებრივი ცენტრში უახლესი ტექნიკით აღჭურვილი ბიბლიოთეკაა, სადაც ელექტრონულ წიგნებთან ერთად ბეჭდური გამოცემებიც არის დაცული. ბეჭდური და ციფრული ბიბლიოთეკა, უფასო ინტერნეტი მოზარდებსა და ახალგაზრდებს საშუალებას აძლევს, სწავლების თანამედროვე მეთოდების გამოყენებით შეიძინონ ცოდნა.

ადგილობრივი მოსახლეობის სამოქალაქო ჩართულობის სტიმულირებისთვის ცენტრში თანამედროვე ტექნიკით აღჭურვილი შეხვედრების დარბაზია მოწყობილი, სადაც სხვადასხვა შინაარსის საინფორმაციო-საგანმანათლებლო შეხვედრის, პრეზენტაციისა და დისტანციური სწავლების ჩატარება შესაძლებელია.

ცენტრში, ასევე, ხელმისაწვდომი იქნება „მაგისა“ და „ლიბერთი ბანკის“ მომსახურებაც, რაც პენსიონერებს — ადგილიდან გაუსვლელად პენსიის მიღების, ახალგაზრდებს კი 24-საათიანი უკავშირეობით უფასოდ სარგებლობის საშუალებას მისცემს.

შენობის გახსნის საზეიმო ღონისძიების ფარგლებში, საზოგადოებრივი ცენტრის საქმიანობის შესახებ სახალისო ვიქტორინა ჩატარდა. ადგილობრივების სადღესასწაულო განწყობაზე, ღონისძიების წამყვანთან ერთად, გასართობი შოუპროგრამის თანხლებით ანიმატორებმა და ილუზიონისტებმა იზრუნეს; გახსნის ოფიციალური ნაწილის დასრულების შემდეგ კი, კონცერტი გაიმართა.

იურიდიული დახმარების საკონსულტაციო ცენტრი

ბაღდათის მუნიციპალიტეტში იურიდიული დახმარების სამსახურის მე-15 საკონსულტაციო ცენტრი გაიხსნა. ბაღდათის მუნიციპალიტეტის მოსახლეობისათვის უფრო ხელმისაწვდომი გახდა უფასო სამართლებრივი დახმარების მიღება, რადგან აქამდე მათ ქუთაისის ბიუროსთვის მიმართვა უნებდა.



საკონსულტაციო ცენტრის ადვოკატი ბაღდათის მუნიციპალიტეტში მცხოვრებ ნებისმიერ პირს გაუწევს უფასო იურიდიულ კონსულტაციას ნებისმიერ სამართლებრივ საკითხზე, ხოლო სოციალურად დაუცველებისთვის კი, კანონის შესაბამისად, უზრუნველყოფილი იქნება სამართლებრივი დოკუმენტაციის შედგენა, საადვოკატო მომსახურება და წარმომადგენლობა ადმინისტრაციულ ორგანოში. საკონსულტაციო ცენტრი ბაღდათში, ბიბლიოთეკის შენობაში, იურიდიული დახმარების სამსახურის დირექტორმა რაჟდენ კუპრაშვილმა ბაღდათის მუნიციპალიტეტის მერის პირველ მოადგილესთან კახა ენუქიძესთან ერთად გახსნა. რაჟდენ კუპრაშვილი ადგილობრივი თვითმმართველობის წარმომადგენლებს შეხვდა და იურისტ-კონსულტანტი მია ხვადაგიანი წარუდგინა, გაანცო მისი მუშაობის გრაფიკიც.

რაჟდენ კუპრაშვილი (იურიდიული დახმარების სამსახურის დირექტორი): „იურიდიული დახმარების სამსახური თანდათანობით ზრდის უფასო სამართლებრივი დახმარების სერვისების

ბაღდათის მუნიციპალიტეტში ბიზნესის განვითარებისა და ტურიზმის ხელშეწყობი ინფრასტრუქტურა მოწყობა საქართველოს მთავრობამ, ევროკავშირის დაფინანსებით, საპროექტ რეკონსტრუქციის ინტეგრირებული განვითარების პროგრამის ფარგლებში, ადგილობრივი ინფრასტრუქტურისა და ბიზნესის განვითარებისთვის 11 მუნიციპალიტეტს 5 მილიონი ლარის გრანტები გადასცა. ამ მუნიციპალიტეტებიდან ერთ-ერთი ბაღდათია.

პარციხე: ბიზნესის განვითარებისა და ტურიზმის ხელშეწყობის ინფრასტრუქტურა

პროექტი გულისხმობს, ბაღდათის მუნიციპალიტეტის სოფელ ვარციხეში, ქუთაისი – ბაღდათი – აბასთუმანი – ბენარას შიდა სახელმწიფოებრივი მაგისტრალის მიმდებარე ბიზნესგანვითარებისა და ტურიზმის ხელშეწყობი ინფრასტრუქტურის მოწყობას. მის ფარგლებში რეკონსტრუქციის-რეაბილიტაციის ჩაუტარდება ორსართულიან ნახევრად კარკასულ აგურის შენობას და კეთილმოწყობა ეზო.

პროექტის განხორციელებით იმერეთში შეიქმნება ინტეგრირებული სივრცე რეგიონში ბიზნესის განვითარებისა და ტურიზმის სფეროს ხელშეწყობისთვის, რასაც განაპირობებს შერჩეული ქონების მდებარეობის სტრატეგიულობა და ხელმისაწვდომობა. პროექტით ისარგებლებენ როგორც ბაღდათის მუნიციპალიტეტის, ასევე ვანის, თერჯოლის, ზესტაფონისა და წყალტუბოს მუნიციპალიტეტებიდან დაინტერესებული მწარმოებლები, ასევე ვიზიტორები და ტურისტები.

პროექტის განხორციელება უზრუნველყოფს ადგილობრივი ბიზნესის განვითარებისთვის ისეთი მნიშვნელოვანი შემაფერხებელი ფაქტორების აღმოფხვრას, როგორებიცაა: სანარმოო ფართობზე ნაკლებად ხელმისაწვდომობა, ტურიზმის საინფორმაციო მომსახურების სერვისის არარსებობა, კერძო სექტორისთვის შეხვედრების სივრცის ნაკლებად ხელმისაწვდომობა.

მუნიციპალიტეტის ეკონომიკური ზრდის ისეთი იმედისმოქმედი სექტორებიდან, როგორებიცაა: მეღვინეობა, მეფუტკრეობა და ყველის წარმოება, მოთხოვნა სანარმოო-საოფისე და ადგილობრივი პროდუქციის (ღვინის, თაფლის, ყველის) საგამოფენო-სარეალიზაციო სივრცეებზე, კერძო სექტორისთვის შეხვედრების ადგილზე, საკმაოდ დიდია. ბიზნესგარეშო აუარესებს კერძო სექტორში სანარმოო ფართობის სიმცირე და იჯარის მაღალი ფასი. საკონფერენციო სივრცის, შეხვედრების ადგილის არარსებობა აფერხებს სექტორთა შორის თანამშრომლობასა და ბიზნესუნარების გაუმჯობესებას. ადგილობრივი ეკონომიკური ზრდისთვის მნიშვნელოვანი დაბრკოლებაა ტურიზმის მომსახურების სერვისის არარსებობა, რაც იწვევს მუნიციპალიტეტში ტურისტული ობიექტებით დაინტერესებას, მათ შესახებ ინფორმაციის მიღების შესაძლებლობას, კერძო სექტორში ბიზნესსუბიექტების გაჩენას, ტურისტული სერვისების განვითარების შესაძლებლობას, ტურისტულ სექტორში სამუშაო ადგილების გაჩენას.

შემოაღინაშნული გარემოებები უარ-ყოფით გავლენას ახდენს როგორც მუნიციპალიტეტის, ისე რეგიონის სოციალურ-ეკონომიკურ განვითარებაზე. პროექტის განხორციელებით რეაბილიტირებულ შენობაში განთავსდება საოფისე და სანარმოო ფართები, ტურიზმის მომსახურების საინფორმაციო ცენტრი, სადგეუსტაციო და საგამოფენო სივრცეები ადგილობრივად წარმოებული პროდუქციისთვის, ადგილობრივი რენეის შენარჩუნებისა და პოპულარიზაციისთვის მასტერ-კლასების სივრცე, შეხვედრების სივრცეები. ინფრასტრუქტურული სამუშაოების მიმდინარეობისას მუნიციპალიტეტში შემუშავდება ახალი და არსებული ბიზნესის სტიმულირების პროგრამა.

15 ერთეულზე მეტი სანარმოო ფართი, უსასყიდლო სარგებლობის უფლებით, გადაეცემა 2 წლის ვადით და შემდეგი 3 წლის ვადით შედგავთიანი პირობით სტარტაპერებსა და იმ სანარმოებს, რომლებიც თავიანთი საქმიანობით ხელს შეუწყობენ ადგილობრივი წარმოების პოპულარიზაციას, გასაღების ბაზრების მოძიებას, ადგილობრივი ხელნაკეთი ნივთების რეალიზაციას, ადგილობრივი მწარმოებლებისთვის ბიზნესსერვისების შეთავაზებას, ელექტრონულ კომერციას. პრიორიტეტული და მხარდაჭერილი იქნება ელექტრონული გაყიდვები ადგილობრივი პროდუქციის რეალიზაციის ხელშეწყობისთვის, ლოჯისტიკური სივრცეების მოწყობა და სხვა საქმიანობები, რომლებიც ხელს შეუწყობს პროექტის მიზნების განხორციელებას.

შექმნილი ტურისტული მომსახურების ცენტრი გაზრდის რეგიონისა და მუნიციპალიტეტის ცნობადობას. ხელს შეუწყობს მუნიციპალიტეტში ტურისტული ნაკადების მოწესრიგებულ გადაადგილებას. ამასთან, რეგიონში შემოსული ტურისტების დიდი წილი მუნიციპალიტეტის ტურისტულ ლოკაციებზე მოდის. მუნიციპალიტეტში 100-150 ათასამდე ტურისტი და ვიზიტორი შემოდის წლის განმავლობაში (განსაკუთრებით აღსანიშნავია კურორტ საირმეში შემოსულ ტურისტთა რაოდენობა – 100-120 ათასი პირი წლის განმავლობაში). მათი ინფორმირებული მუნიციპალიტეტში მოწესრიგდება ტურისტული ნაკადების გადაადგილება და გაიზრდება ტურისტების დღიური დანახარჯების მოცულობა.

შეხვედრების სივრცე ხელს შეუწყობს სექტორთაშორის თანამშრომლობის გაუმჯობესებას, პარტნიორული ურთიერთობების ჩამოყალიბებას. ასევე ბიზნესსაქმიანობაში ჩართვით დაინტერესებულ პირთა უნარების გაუმჯობესებას, არსებული ბიზნესების წარმოების შესაძლებლობების განვითარებას.

პროექტის განხორციელებით გაუმჯობესდება ტერიტორიის იერსახე, შეიქმნება ყველა სემენტის მომხმარებლისთვის ადაპტირებული გარემო, მოწყობა რეკრეაციულ-გასართობი, დასასვენებელი სივრცე.

პროექტის განხორციელება დადებითად აისახება მუნიციპალიტეტისა და რეგიონის სოციალურ-ეკონომიკურ გარემოზე: გაიზრდება მუნიციპალიტეტისა და რეგიონის საინვესტიციო და ტურისტული მიზიდვლობა, ასევე პროდუქციის წარმოება და რეალიზაცია; შეიქმნება ახალი ბიზნესობიექტები; ბიზნესსექტორში გაიზრდება შემოსავლები, გაუმჯობესდება დასაქმების შესაძლებლობები და გაიზრდება სამუშაო ადგილები; გაუმჯობესდება სექტორთა შორის თანამშრომლობა...

პროექტი ადგილობრივი ეკონომიკური განვითარების გეგმის შემადგენელი ნაწილია და შეესაბამება რეგიონის განვითარების სტრატეგიას. პროექტის ღირებულებაა 993 993,77 ლარი, აქედან გრანტით მიღებული დაფინანსება შეადგენს 970 000 ლარს. პროექტის დასრულება 2020 წლის ბოლოს იგეგმება.

ინფორმაცია მოგვანოდა ბაღდათის მუნიციპალიტეტის მერიის ეკონომიკური განვითარების, ადგილობრივი და საერთაშორისო დონორ ორგანიზაციებთან ურთიერთობის განყოფილებამ.

მარიამ ქაჩორაძე

ტერიტორიულ ხელმისაწვდომობას. ეს განსაკუთრებით მნიშვნელოვანია იმ დასახლებებში, სადაც პოტენციური ბენეფიციარების რიცხვი მრავალადაა და კვალიფიციური დახმარებისთვის ადვოკატთან მისვლას შორი მანძილის გადალახვა სჭირდება. წელს უკვე რიგით მეექვსე საკონსულტაციო ცენტრი ბაღდათში გახსნა. ადგილობრივი მოსახლეობას შესაძლებლობა ექნება პროფესიონალის დახმარებით მოავაროს მისთვის მნიშვნელოვანი სამართლებრივი პრობლემური საკითხები.“

იურიდიული დახმარების სამსახური უფასო სამართლებრივი დახმარების გამწევი სახელმწიფო ორგანიზაციაა. იურიდიული კონსულტაცია ხელმისაწვდომია ყველა პირისთვის ნებისმიერ საკითხთან დაკავშირებით, ხოლო გადახდისუუნარო პირებისათვის ხორციელდება სამართლებრივი დოკუმენტების შედგენა და საადვოკატო მომსახურების განევა სასამართლოსა და ადმინისტრაციულ ორგანოებში.

აზა მაშანიძე

ვლადიმერ მაიაკოვსკი – 127

კორონა ვირუსის გადაჭრის ნაშობ-შედეგად კულტურულმა ცხოვრებამ პირველი გერმეილი ლუკმა 19 ივლისს დააგემოვნა. დიდი გამოცნობა არ სჭირდება იმ ამბავს, რომ 19 ივლისს ბაღდათის ხელოვნებისა და კულტურის განვითარების ცენტრმა ვლადიმერ მაიაკოვსკის 127 წლის იუბილე აღნიშვნა ჩვენი დიდი პოეტის სახლ-მუზეუმის ეზოში, ღია სივრცეში და ამით, პანდემიის პირობებში კულტურულ ღონისძიებათა გამართვის წესიც დაიცვა.

ცენტრის შემოქმედებითა ჯგუფებმა ღონისძიებაზე მრავლად მოსულ სტუმარს ერთობ ორიგინალური და ცოცხალი პროგრამა დაახვედრეს – „ირიდას“ ბავშვები ვიოლინოებით, ბადრი სახამბერიძის გუგუნი, საბუჯა ფულარიანი – პატარა ვალდია, ბუთუქუნა გოგო რითმებით, ლელა ჭრელიაშვილი და ქეთი კიკნაველიძე – აივანზე გაცოცხლებული მაიაკოვსკების ქალბატონები, თეონა ლომსიანიძის პანგები დამატკობელი, გზად ამბები კოტე კიკნაძისა და ბექა კუჭუხიძის მოთხრობილი და მერე... ნყაროსთან ტრიო „იმერეთი“ და ქალ-ტრიო „აისი“, ეკა გოგელიძის გაცოცხლებული ტატიანა იაკოვლევანა, ბექა მსხვილიძის ნაკითხული მაიაკოვსკი ტატიანათი და ლილიათი... მარიამ თავთავაძისა და სოსო კოტორეიშვილის ტანგო.

ბოლოს კი ყველამ ერთად გაიხსენა და მოუსმინა ბრიგოს (გიორგი მოთაძე), კულტურის ცენტრისა და ბაღდათის ახლახან ნაადრევად გარდაცვლილ კოლორიტს. ასე უნდა ყოფილიყო და ეს ყველაფერი იყო ბაღდათში.

აქედან ნაღვალის სიყვარული

რამდენიმე დღის წინ დათო ტურაშვილს ვუსმენტი ტელევიზიით, მაიაკოვსკიზე საუბრობდა: „...საქართველოდან რომ წავიდა, ისეთი სიყვარული წაიღო, მთელი ცხოვრება ეყო საგზადად...“ ასე იყო, უყვარდა ქალები, მეგობრები, სამშობლო - საქართველო, სიცოცხლე...

ნანყვეტი მინდა მოვიყვანო ჩემი წიგნიდან – „ტრაგედია ვლადიმერ მაიაკოვსკი“.

„...მაიაკოვსკი წერდა დღიურებს პოემაზე (ამის შესახებ) მუშაობის დროს. საინტერესოა მისი წერილებიც, რომელსაც ლილის წერს იმ პერიოდში, არა იმიტომ, რომ გავიგოთ „შეყვარებულების“ ურთიერთობათა რაღაც დეტალები, არამედ, აქ ჩანს საუკუნის ერთ-ერთი უდიდესი ხელოვანის დამოკიდებულება ზოგადსაკაცობრიო ღირებულებებთან. სვეტლანა კოვალენკო თავის წიგნში – „ვარსკვლავური ხარკი. ქალები მაიაკოვსკის ცხოვრებაში“ – წერს: „წერილი-დღიურები... არის არა უბრალოდ მაიაკოვსკის წერილები კონკრეტული ადრესატისადმი, არამედ ტრაქტატი სიყვარულზე, რომელიც შეიძლება განვიხილოთ ერთ რიგში შოპენპაუერის „სიყვარულის მეტაფიზიკასთან“, სტენდალის ტრაქტატთან „სიყვარულზე“, ხოსე ორტეგა გასეტის „სიყვარულის ეტიუდებთან“ და სხვა ფილოსოფიურ ესეებთან, სადაც საუბარია სიყვარულის ფენომენზე, დროის, პიროვნების ფსიქოლოგიის, სექსუალურობისა და შემოქმედებითი პოტენციალის კონტექსტში.“

მაიაკოვსკი არის, რომანტიკული ხასიათის პოეტი და მოაზროვნე, რომელიც ცხოვრობდა უდიდესი სოციალური უტოპიების ეპოქაში; სიყვარულში ხედავდა ძალას, რომელიც თავისი სიძლიერით სიტყვას უტოლდებოდა. მას სჯეროდა ამ საწყისების გარდაქმნის ენერჯის და როგორც ჩანს ეეჭვებოდა, რომ ამ წერილების და დღიურების ადრესატს შეეძლო ის ბოლომდე გაეგო.“ ალბათ მოგვიწევს დავეთანხმოთ მწერალ ქალბატონს და კიდევ ერთხელ გავიხსენოთ პოეტის სულიერი დრამის მასშტაბები, ახლა უკვე დღიურიდან მოყვანილი სიტყვებით:

„მე მინდოდა ძალიან ბევრი დამეწერა. შეგნებულად დავიტოვე ერთი დღე, რომ ეს ყველაფერი ზუსტად მომეფიქრებინა, მაგრამ დღეს დილით მაქვს აუტანელი შეგრძნება იმისა, რომ ეს ყველაფერი შენთვის საჭირო არაა.“



საეჭვოა რომ შენ ოდესმე წაიკითხავ აქ რაც წერია... ისევე ჩემს სიყვარულზე – არის თუ არა ის ჩემთვის ყველაფერი? არის, ოღონდ სხვაგვარად. სიყვარული ეს სიცოცხლეა, ეს უმთავრესია. ლექსები, საქმეები და ყველაფერი სიყვარულით კეთდება. სიყვარული ეს არის ყველაფრის გული, თუ ის შეწყდა, კვდება ყველა დანარჩენი, ხდება ზედმეტი, არასაჭირო, მაგრამ თუ გული მუშაობს, არ შეიძლება ეს არ გამოჩნდეს ამ ყველაფერში. უშენოდ (არა ფიზიკურად, არამედ შინაგანად უშენოდ) ვნადგურდები. ასე იყო ყოველთვის, ასეა ახლაც. თუ არ არის საქმიანობა, მე ვკვდები. ნიშნავს თუ არა ეს იმას, რომ ყველაფერს ვიღონებ, ოღონდ „ჩამოგვიკიდო“? რა თქმა უნდა არა...“

სიყვარული ყველაფრის გულია მაიაკოვსკისთვის, თუ ის კვდება, კვდება ყველაფერი. ამ სტრიქონების კითხვისას, ხოსე ორტეგას „სიყვარულის ეტიუდები“ გამახსენდა – „ჭეშმარიტ სიყვარულს, ადამიანის იდუმალ სიღრმეებში შობილს, როგორც ჩანს არ ძალუძს სიკვდილი. იგი სამუდამოდ რჩება მგრძობიარე სულში. ვითარებამ – მაგალითად დამორბეობს – შეიძლება მოაკლოს მასაზრდოებელი გარემო და მაშინ ეს სიყვარული იწყებს ტკბობას და გადაიქცევა მთრთოლვარე ძაფად, ქვეცნობიერში საგრძობლად მფეთქავი გულითადი სიყვარულის წყაროდ, და მაინც არ მოკვდება. მისი ემოციური შემადგენლობა არ შეიცვლება. ამ უცვლელი საფუძვლის წყალობით, ადამიანი, რომელსაც უყვარდა, მომავალშიც თავს იგრძნობს შეყვარებულისადმი ურღვევ კავშირში. ბედმა შეიძლება დააცილოს სატრფოს, შეცვალოს მისი მდგომარეობა ფიზიკურ ან სოციალურ სივრცეში, და მაინც – სიყვარული რჩება მასში. ასეთია უმაღლესი, უტყუარი ნიშანი ჭეშმარიტი სიყვარულის: როგორმე იყო შეყვარებულის გვერდით, იყო უფრო მჭიდრო კავშირში, უფრო იდუმალ სიანდლოვებში, ვიდრე სივრცითში. ეს ნიშნავს ჭეშმარიტ სიცოცხლისეულ კონტაქტში ყოფნას“ (ხოსე ორტეგა-ი-გასეტის „ეტიუდები სიყვარულზე“ მთარგმელი ნიკოლოზ კუჭუხიძე).

მაიაკოვსკის რამდენიმე ქალი უყვარდა, ზოგიერთი მათგანი მართლაც რომ დიდი სიყვარულით: მარია დენისოვა, ლილი ბრიკი, ტატიანა იაკოვლევანა... იყო კი ეს ჭეშმარიტი სიყვარული? „...აი, როგორ იგონებს ტატიანა მაიაკოვსკისთან შეხვედრას:

„...სუსტი ფილტვები დროდადრო თავს მახსენებდა. 1928 წლის ბოლოს სამხრეთი ბრონქიტი შემეყარა და ძლიერი ხველა დამეწყა. ბოლოს და ბოლოს დაუფრეკე ჩემს ექიმს, სერჟ სიმონს. მან მითხრა, რომ სასწრაფოდ მივსულიყავი. როცა შევედი სასტუმრო ოთახში, დავინახე მასპინძელი, ელზა ტრიოლე და მაღალი, დიდი მამაკაცი, გამორჩეული იშვიათი ელვანტურობით... კოსტიუმში, კარგ ბათინკებში, ცო-


ტათი მოწყენილი სახით იჯდა სავარძელში... ყურადღებით შემათვალისწინებდა. მისი მოკლეთი, მკვეთრი, ლამაზი სახის ნაკვეთები, მე მაშინვე ვიცანი – ეს იყო მაიაკოვსკი. ჩვენ წარგვადგინეს ერთმანეთთან და მე ხველისაგან შენუხებული, შეძლებისდაგვარად ჩავერთე საუბარში. მაიაკოვსკის ლექსები კარგად ვიცოდი და მიყვარდა. არაერთხელ წამიკითხავს ისინი წითელარმიელებისათვის ლუკმაპური რომ მეშოვნა იმ შიმშილობის წლებში. ის, რომ ბოლშევიკური რუსეთის პირველი პოეტი იყო დიდად არ მანუხებდა. იმ დროს მე შორს ვიყავი პოლიტიკიდან და ახალგაზრდული წლების გამო, კარგად არ მესმოდა ვის მხარეს იყო სიმართლე. ასეთ სახელგანთქმულ ადამიანთან შეხვედრა მოკრძალებისა და უხერხულობის გარეშე მივიღე. მისი სახელი მაშინ ხშირად ჩნდებოდა პარიზული პრესის ფურცლებზე. ბიძია სამას ნაცნობობის წყალობით მივეჩვიე იმას, რომ ჩემ გარშემო მუდმივად იყვნენ გამორჩეული და ცნობილი ადამიანები. წინააღმდეგობა ბრამის ვუკრავდი ოთხი ხელით პროკოფიევთან ერთად, რამდენიმე დღით ადრე კი კოქტოსთან ერთად ვისადილე. ახლა მე შეხვედი მაიაკოვსკის. თუ რაიმე გამაოცა, ეს იყო მისი მანერები, დახვეწილი და უბრალო. ის უფრო ინგლისელ არისტოკრატს მოგაგონებდათ გარეგნობით, ჩაცმით და არაფერი ჰქონდა საერთო ჩემს მანამდე არსებულ შეხედულებასთან, რომელიც ჩამომიყალიბდა მისი ფუტურისტული ყვითელი ხალათის, სკანდალური გამოსვლების, სამართებელივით მჭრელი მახვილსიტყვაობის და პროლეტარული პოეტი ტრიბუნის ხმაურიანი დიდების გამო... ჩემი ხველებით შემინებულმა მაიაკოვსკიმ

შემომთავაზა სახლში გაცილება. ტაქსიში ციოდა, მაიაკოვსკიმ გაიძრო პალტო და ფეხებზე გადამაფარა. ამ ნუთიდან მე ვიგრძენი ისეთი სინაზე და მზრუნველობა, რომლის უპასუხოდ დატოვება შეუძლებელი იყო. „წამდელი სინაზე არაფერში აგერევა, ის ჩუმი“ – წერდა ანა ახმატოვა. ასე რომ, მაიაკოვსკი იყო თავად სინაზე... არა მომბეზრებელი, ზედმეტი სენტიმენტების გარეშე. შეგეძლო დაყრდნობოდი, მასში იგრძნობოდა ძალა. ჩვენ გამოვემშობეთ ერთმანეთს ჩემს სახლთან. ის იმედოვნებდა, რომ ძალიან მალე კვლავ შეხვედებოდით.

მე მოხიბლული ვიყავი, დაინტრიგებული და ცოტათი შეფიქრიანებული...“ ქალები, რომელიც მაიაკოვსკის უყვარდა, თავისი დროის ულამაზესი ქალბატონები იყვნენ, რომელთაც მიღებული ჰქონდათ ბრწყინვალე განათლება, ჰყავდათ უამრავი თავყვანისმცემელი, რაც ბევრ მკვლევარს აფიქრებინებს რომ ამ განხაურებული რომანების თავიდათავი ამ ქალების მომხიბველობა იყო მხოლოდ. ისევ დათო ტურაშვილის საუბარი გამახსენდება აქედან ნაღვალად დიდ სიყვარულზე და ელზა ტრიოლეს მოგონებები ტატიანასა და მაიაკოვსკის რომანზე: „ადამიანის ცხოვრებაში არის პერიოდი, როცა ის „მოდრეკილი“ სიყვარულისკენ. სიყვარულის მოთხოვნილება იზრდება როგორც შიმშილის გრძნობა, გული ხდება ნოყიერი ნიადაგი „მშვენიერი სნეულულისათვის“, ფეთქებადია და ინთება ნებისმიერი ნაპერწკლისაგან, ის მას უცდის რომ აინთოს. სიყვარული, ასეთ პერიოდში, ცოცხლობს ადამიანში და ელოდება თავის გამოვლინებას. მაიაკოვსკის სჭირდებოდა სიყვარული იმ დროს... ტატიანა იყო შეუდარებელი, ის იყო ოც წელზე ცოტა მეტი ხნის, მაღალი, გრძელფეხება, თამამობა ჩოგბურთს, ჰყავდა თავყვანისმცემლები...“ როგორც ჩანს ელიჩკა კოგანიც ასე ფიქრობდა... მაიაკოვსკის გულში სიყვარულის უზარმაზარი მარაგი იყო და ის რომ ასე ძლიერ უყვარდა ასეთი დიდი გრძნობით უყვარდა ეს მისი ნიჭია სიყვარულის, რუსთაველის საქართველოდან ნაღვალის... ისევ ორტეგას მივუბრუნდები: „ჭეშმარიტ სიყვარულს, ადამიანის იდუმალ სიღრმეებში შობილს, როგორც ჩანს არ ძალუძს სიკვდილი“. ჩვენი შემთხვევაში ამ ფრაზას ასე შევცვლიდი – მაიაკოვსკის საქართველოდან ნაღვალ სიყვარულს არ ძალუძს სიკვდილი... და ის დღესაც ცოცხალია, ცოცხლობს მის პოემებში, ლექსებში... დღესაც მისი ლირიკული სტრიქონები ითარგმნება მსოფლიოს უამრავ ქვეყანაში, მათ შორის საქართველოში, მის მშობლიურ ბაღდათში...“


კომტა კიკნაძე

აფხაზეთის ოკუპირებული ტერიტორიიდან შეიარაღებული კონფლიქტის დროს დაღუპული სამხედროს, ბაღდათის მუნიციპალიტეტის სოფელ ვარციხის მკვიდრის, შაქრო ხვიჩიას ნეშტი სამშობლოში გადმოასვენეს. მეგრძოლის ცხედარი მშობლიურ სოფელში დაკრძალეს. საფლავზე სასულიერო პირებმა მისი სულის მოსახსენიებელი პანაშვიდი გადაიხადეს. სამხედრო პირს პატივი მუნიციპალიტეტის პირველმა პირებმაც მიაგეს.



აფხაზეთის ოკუპირებული ტერიტორიიდან გადმოსვენებული და იდენტიფიცირებულია 1992-93 წლების აფხაზეთის კონფლიქტის შედეგად დაღუპული რამდენიმე პირის ნეშტი. გარდაცვლილთა ცხედრები შერიგებისა და სამოქალაქო თანასწორობის საკითხებში სახელმწიფო მინისტრის აპარატისა და წითელი ჯვრის საერთაშორისო კომიტეტის ერთობლივი ძალისხმევით მოიძიეს, ორმხრივი, ქართულ-აფხაზური საკოორდინაციო მექანიზმის ფარგლებში.

აფხაზეთიდან გადმოსვენებულთა ნეშტები, მათი ოჯახების გადწყვეტილებით, მშობლიურ მხარეში დაკრძალეს.



საქართველოს მთავრობის
განკარგულეზა

N 42 44

27/08/2020

ბაღდათის მუნიციპალიტეტის ტერიტორიაზე 2020 წლის ოქტომბრის საპარლამენტო არჩევნების წინა საარჩევნო აგიტაციის ჩასატარებლად შენობა-ნაგებობებისა და სააგიტაციო მასალების გამოფენისათვის ადგილებს გამოყოფის შესახებ

„საქართველოს საარჩევნო კოდექსი“ საქართველოს ორგანული კანონის 45-ე მუხლის მე-9 ნაწილის, ამავე კანონის 46-ე მუხლის მე-4 ნაწილის, ადგილობრივი თვითმმართველობის კოდექსი საქართველოს ორგანული კანონის 24-ე მუხლის მე-2 და მე-3 ნაწილების, 61-ე მუხლის პირველი და მეორე ნაწილების შესაბამისად, ბაღდათის მუნიციპალიტეტის საკრებულომ გადაწყვიტა:

1. საარჩევნო კამპანიის პერიოდში პოლიტიკურმა სუბიექტებმა, რომლებიც მონაწილეობას ღებულობენ 2020 წლის ოქტომბრის საპარლამენტო არჩევნებში, ამომრჩევლებთან შეხვედრებისა და შეკრებების ჩასატარებლად თანაბარი პირობებით მუშაობა ისარგებლონ მუნიციპალიტეტის ტერიტორიაზე მუნიციპალიტეტის საკრებულომ არსებული შემდეგი შენობა-ნაგებობებით:

ა) არასამწარმოო (არაკომერციული) ოუნიკონი პირი - „ბაღდათის ხელოვნებისა და კულტურის განვითარების ცენტრი“-ს საარსებლობაში არსებული: ა.ა) რ. ლალიძის სახელობის კულტურის სახლის შენობით (ქ. ბაღდათი ვახიანის ქ. N 1);

ა.ბ) ახალგაზრდული ცენტრის შენობით (ქ. ბაღდათი რუსთაველის ქ. N 31)

ა.გ) საზოგადოებრივი ცენტრის შენობებით (ქ. ბაღდათი რუსთაველის ქ. N 36; და სოფ. წითელწყვი, სახელოვნებო სკოლის შენობა);

ა.დ) მიხობის შენობა;

ბ) არასამწარმოო (არაკომერციული) ოუნიკონი პირი - „ბაღდათის საორთიკის და მონარდათი აქტივობის ცენტრი“-ს დარბაზი (მისამართი: ქ. ბაღდათი ნინოშვილის ქ. N 6);

გ) სოფ. დიშის ყოფილი კულტურის სახლის შენობა (მისამართი: სოფ. დიშის ადმინისტრაციული ერთეული);

დ) სოფ. წითელწყვის ყოფილი კულტურის სახლის შენობა (მისამართი: სოფ. წითელწყვის ადმინისტრაციული ერთეული);

ე) სოფ. ვარციხის ყოფილი კულტურის სახლის შენობა (მისამართი: სოფ. ვარციხის ადმინისტრაციული ერთეული);

ვ) სოფ. პირველი ოზის ადმინისტრაციული ერთეულის ადმინისტრაციული შენობა (მისამართი: სოფ. პირველი ოზის ადმინისტრაციული ერთეული);

ზ) სოფ. საკრალას ადმინისტრაციული ერთეულის შენობის პირველი სართული (მისამართი: სოფ. საკრალას ადმინისტრაციული ერთეული)

თ) სოფ. ზეგნის ადმინისტრაციული ერთეულის ადმინისტრაციული შენობა (მისამართი: სოფ. ზეგნის ადმინისტრაციული ერთეული)

ი) სოფ. როკითის ადმინისტრაციული ერთეულის ადმინისტრაციული შენობის პირველი სართული (მისამართი: სოფ. როკითის ადმინისტრაციული ერთეული);

კ) სოფ. როხის ადმინისტრაციული ერთეულის ადმინისტრაციული შენობის პირველი სართული (მისამართი: სოფ. როხის ადმინისტრაციული ერთეული);

ლ) სოფ. მეორე ოზის ადმინისტრაციული ერთეულის ადმინისტრაციული შენობა (მისამართი: სოფ. მეორე ოზის ადმინისტრაციული ერთეული)

მ) სოფ. ფურსათის ადმინისტრაციული ერთეულის ყოფილი კულტურის სახლის შენობა (მისამართი: სოფ. ფურსათის ადმინისტრაციული ერთეული).

2. ბაღდათის მუნიციპალიტეტის ტერიტორიაზე საზღვრებში (ადმინისტრაციული ერთეულების ტერიტორიაზე) წინასარჩევნო კამპანიასთან (აგიტაციასთან) დაკავშირებული საარჩევნო მასალების გასაყვან-გამოსაყენად ადგილები გამოიყოფი:

ა) მუნიციპალიტეტის მიერ გამოყოფილი სტენდები სააგიტაციო მასალებისათვის (თითოეული საარჩევნო სუბიექტს უფლება აქვს გააკრას ერთ ცალი საარჩევნო პლაკატი ზომით არაუმეტეს: სიგრძე 60 სმ, სიგანე 42 სმ (A2) ფორმატი;

ბ) მუნიციპალიტეტის საკრებულოში არსებულ სამაგაპროტის ტრანსპორტის მოსადგომებში;

გ) მუნიციპალიტეტის საკრებულოში არსებულ გარე განათების ელექტრო ზომებზე;

დ) სამშენებლო ტერიტორიების შემოღობულ დროებით ლობებზე;

3. მუნიციპალიტეტის ტერიტორიაზე აკრამალის სააგიტაციო მასალებისა და პლაკატების გაცრა შემდეგ შენობა-ნაგებობებზე:

ა) საკულტო ნაგებობებზე;

ბ) კულტურული მემკვიდრეობის ძეგლებზე და შენობა-ნაგებობებზე;

გ) სახელმწიფო ხელისუფლებისა და ადგილობრივი თვითმმართველობის ორგანოების საკუთრებაში არსებულ ადმინისტრაციულ შენობებზე (საზღვრო საზღვარების, სამედიცინო აზილატორიის შენობა-ნაგებობები);

დ) სასამართლოების, სამხედრო შენობების, ოსტოიის სახლების, პოლიციის, სახანრო-სამამწებლო სამსახურის შენობა-ნაგებობების ინტერეერებსა და ექსტერიერებზე;

ე) საგზაო ნიშნებზე;

ვ) საავტომობილო გზების გასწვრივ არსებულ მრავალწლიან ნარგებებზე.

4. ამ განკარგულების მთელი მუხლით განსაზღვრული ადგილების (ობიექტების) გარდა, სააგიტაციო მასალა შეიძლება აგრეთვე გამოიყენოს სხვა შენობა - ნაგებობებსა და ობიექტებზე (გარდა მე-3 მუხლით გათვალისწინებული შემთხვევებისა) მათი მესაკუთრეების ან მფლობელების თანხმობის შემთხვევაში.

5. შესაბამის საარჩევნო სუბიექტს ვალდებულება, არჩევნების საბოლოო შედეგების ოფიციალურად გამოქვეყნებამდე 15 დღის ვადაში უზრუნველყოს სააგიტაციო მასალის ჩამოხსნა.

6. ამ განკარგულების დარღვევის შემთხვევაში პირს დაეკისრება პასუხისმგებლობა საქართველოს კანონმდებლობით დადგენილი წესით.

7. დაევალოს ბაღდათის მუნიციპალიტეტის საკრებულოს აპარატს, განკარგულების ქსეროასლი გადაუზვანოს N52 ბაღდათის საოლქო საარჩევნო კომისიას და უზრუნველყოს განკარგულების განთავსება მუნიციპალიტეტის ვებგვერდზე და გამოქვეყნება ადგილობრივ მეტყვეობის ორგანოში.

8. ძალადაკარგულად გამოცხადდეს „ბაღდათის მუნიციპალიტეტის ტერიტორიაზე საარჩევნო აგიტაციის ჩასატარებლად და საარჩევნო სააგიტაციო მასალების გასაყვანად ადგილების გამოყოფის შესახებ“ ბაღდათის მუნიციპალიტეტის საკრებულოს 2018 წლის 8 აგვისტოს N 42 43 განკარგულება.

9. განკარგულება ძალაში 2020 წლის საპარლამენტო არჩევნების დანიშნვის დღედ;

10. განკარგულება შეიძლება გასაჩივრდეს 3 დღის ვადაში ქუთაისის საქალაქო სასამართლოში, მისამართზე: ქ. ქუთაისი, კულამის ქ. N 11.

შალვა მშვილდაძე

საკრებულოს თავმჯდომარე



ბაღდათის მუნიციპალიტეტის საარსებულო „2019 წელს საჯარო ინფორმაციის ხელმისაწვდომობის უზრუნველყოფისათვის“ დახილვას

ინფორმაციის თავისუფლების განვითარების ინსტიტუტი (IDFI) საქართველოში 2010 წლიდან ახორციელებს საჯარო ინფორმაციის ხელმისაწვდომობის მონიტორინგს. IDFI-ის სისტემურმა მონიტორინგმა მნიშვნელოვანი წვლილი შეიტანა საჯარო ინფორმაციის ხელმისაწვდომობის ძირითადი ტენდენციებისა და პრობლემების გამოვლენაში, საზოგადოებრივი კონტროლის ქმედითი მექანიზმების დანერგვაში, საჯარო სექტორის ანგარიშვალდებულებისა და ღია მმართველობის განვითარებაში.

30 ივლისს ინფორმაციის თავისუფლების განვითარების ინსტიტუტმა საჯარო ინფორმაციის ხელმისაწვდომობის 2019 წლის ანგარიში წარადგინა და ყველაზე ღია და ყველაზე დახურული საჯარო დაწესებულებები გამოავლინა. ამათგან ერთ-ერთია ბაღდათის მუნიციპალიტეტის საკრებულო, რომელმაც მიიღო ჯილდო „2019 წელს საჯარო ინფორმაციის ხელმისაწვდომობის უზრუნველყოფისათვის“.



თვიან თვებზე

აგვისტოს ომში დაღუპულ გმირებს ბაღდათის მუნიციპალიტეტში პატივი მიაგეს. ადგილობრივი თვითმმართველობის წარმომადგენლებმა საქართველოს ტერიტორიული მთლიანობისთვის ბრძოლაში დაღუპულ გმირთა მემორიალი გვირგვინით შეამკეს. სასულიერო პირებმა კი სოფელ დიშა და როხში 2008 წლის აგვისტოს ომში გმირულად დაღუპული ფელიქს კაკაურიძისა და ზვიად კაცაძის საფლავებზე პანაშვიდი გადაიხადეს. 2008 წლის აგვისტოს ომიდან 12 წელი გავიდა. ეს პერიოდი საქართველოს უახლეს ისტორიაში ერთ-ერთი მტკიცებულება თარიღია.

ახალგაზრდობის საერთაშორისო დღეს ბაღდათის მუნიციპალიტეტში გამოენახურა. ღონისძიებაზე მისულ საზოგადოებას ახალგაზრდული საბჭოს წევრებმა სხვადასხვა აქტივობა შეთავაზეს. დღემ საქმაოდ საინტერესოდ ჩაიარა. ახალგაზრდობის საერთაშორისო დღისადმი მიძღვნილი საღამო ადგილობრივი თვითმმართველობის მხარდაჭერით გაიმართა.

ახალგაზრდები წარმომადგენელ მსოფლიოს მოსახლეობის მნიშვნელოვან ნაწილს. ისინი საზოგადოების განვითარებაში ძირითად როლს თამაშობენ. აქედან გამომდინარე, 12



აგვისტოს მსოფლიო ახალგაზრდობის საერთაშორისო დღეს აღნიშნავს. ამ დღეს საფუძველი გაეროს ასამბლემ 1999 წლის 17 დეკემბრის რეზოლუციით ჩაეყარა.

ბაღდათის მუნიციპალიტეტის მერი არჩილ გოგასაძე ადგილობრივი თვითმმართველობის წარმომადგენლებთან ერთად პირველკურსელებს შეხვდა. მუნიციპალიტეტის მერმა ახალგაზრდებს ცხოვრების ახალ ეტაპზე გადასვლა მიულოცა და ესაუბრა თუ რამდენად მნიშვნელოვანია მათი როლი ქვეყნის განვითარების პროცესში. არჩილ გოგასაძემ შეხვედრაზე საზგასამით აღნიშნა ისიც, რომ მუნიციპალიტეტისთვის მათი კვალიფიციური, პროფესიონალი კადრის ამპლუაში დაბრუნება მნიშვნელოვანია. შეხვედრა კითხვა-პასუხის რეჟიმში წარიმართა.

სტუდენტებმა ასევე მოისმინეს ინფორმაცია იმ პროგრამების შესახებ, რომელსაც სახელმწიფო სხვადასხვა მიმართულებით ახორციელებს, რაც სამომავლოდ მათ დასაქმებას ხელს შეუწყობს.

ბაღდათის მუნიციპალიტეტიდან სტუდენტი 100-ზე მეტი ახალგაზრდა გახდა.

პროექტ „GAME ზონა“-ს ფარგლებში ბაღდათის მუნიციპალიტეტის მერიამ და სამეცნიერო-ინტელექტუალურმა კლუბმა „თაობათა დიალოგი“ ურთიერთანამშრომლობის მემორანდუმში გააფორმეს. პროექტი ბაღდათის მუნიციპალიტეტში ხორციელდება და მისი მიზანია მუნიციპალიტეტში მცხოვრები 14-დან 29-წლამდე ახალგაზრდობისათვის ისეთი სივრცის შექმნა, რომელიც ხელს შეუწყობს მათ პიროვნული უნარ-ჩვევებისა და კომპეტენციების განვითარებას, გააქტიურებას და ადგილობრივ დონეზე გადაწყვეტილების მიღების პროცესში ჩართვას.

აღნიშნულ პროექტს ახორციელებს სამეცნიერო-ინტელექტუალური კლუბი „თაობათა დიალოგი“ ბაღდათის მუნიციპალიტეტის მერიის მხარდაჭერით და იგი დაფინანსებულია სსიპ ახალგაზრდობის სააგენტოს მიერ, მილიონიანი ფონდის საგრანტო კონკურსის ფარგლებში, რომელიც მიზნად ისახავს რეგიონებში ახალგაზრდული ორგანიზაციების გაძლიერებას და არაფორმალური განათლების გზით ახალგაზრდობისთვის ძირითადი საკვანძო კომპეტენციების გაცემას.



საქართველოს კანონის „ბავშვის უფლებათა კოდექსი“-ს შესაბამისად, 1 სექტემბრიდან ბაღდათის მუნიციპალიტეტის მერიამ ფუნქციონირება დაიწყო ბავშვთა უფლებების დაცვისა და მხარდაჭერის განყოფილებამ, რომლის ფუნქციას, დაიცავს მუნიციპალიტეტში მცხოვრები თითოეული ბავშვის უფლებები, იზრუნოს მათი ოჯახების გაძლიერებისათვის და ძალადობის პრევენციის მიზნით გაატაროს საჭირო ღონისძიებები. აღნიშნულ ფუნქციებს განახორციელებს გუნდი, რომელიც შედის ბავშვისა და ოჯახის სოციალური მუშაკი, სამართლებრივი დახმარების სპეციალისტი, ბავშვის ფსიქოლოგი, ბავშვის დაცვის ინსპექტორი, ჯანმრთელობის მართვის სპეციალისტი.

ბავშვის უფლებების დარღვევის გამოვლენის (ან სავარაუდო ეჭვის) შემთხვევაში, გთხოვთ, მიმართოთ ბაღდათის მუნიციპალიტეტის მერიას ან დარეკეთ ტელეფონზე: 595 25 25 50.

თქვენი აწონიპურობა დაცული იქნება.

ბაღდათის მუნიციპალიტეტში მცხოვრებმა შუმ პირებმა, ბაღდათის მუნიციპალიტეტის მერიის მხარდაჭერით მორიგი აქტივობა განახორციელეს, ამჯერად პარასპორტში ჩართული პირები ბორჯომში გაემგზავრნენ, სადაც შუმ პირთათვის თბილისის მერიისა და ახალგაზრდული მედიაკავშირის მიერ დაგეგმილ ჯომარდობაში მიიღეს მონაწილეობა.

ბაღდათის მუნიციპალიტეტის ა.ა.ი.პ. ხელოვნებისა და კულტურის განვითარების ცენტრი საქართველო, ბაღდათი, ვახიანის ქ. №3
ტელ: 595 538 536; 591 00 76 54
ელ ფოსტა: chemigazeti@gmail.com
რედაქტორი ანა ქორიძე
ტექნიკური რედაქტორი ლაშით ყიფიანი
„ჩემი გზათის“ გუნდი:
მარიამ ოქროჭელიძე, აზნა მამაძე, ნინო სახამბერიძე,
ფოტო: ანა ფხალაძე
გაზეთი დაქაბადონდა
ი/მ მამუკა ჭოლაძის მიერ
დაიბეჭდა
შ.პ.ს. „ქოლოგნი“